



ՄԱՆԿԱԿԱՆԺԱԿԱՆ ՀԱՄԱԼՍԱՐԱՆ

15 ՆՈՅՄԲԵՐԻ
2023 թ.
№ 15 (1113)

Թերթի առաջին համարը լույս է տեսել 1965 թ. մարտի 11-ին
Երկշաբաթաբեր • Իրատարակման 57-րդ տարի

ԽԱՉԱՏՈՐ ԱՐԽԹԱՆԻ ԱՆՎԱՆ ՀԱՅԿԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ՊԱՇՏՈՆԱԹԵՐ

101 տարի առաջ՝ 1922 թվականի նոյեմբերի 7-ին, հիմնադրվել է Մանկավարժականը: 1972 թվականին, 50-ամյակի առթիվ, Խաչատուր Աբովյանի անվան հայկական պետական մանկավարժական ինստիտուտը ՍՍՀՄ Գերագույն խորհրդի կողմից պարգևատրվել է Աշխատանքային կարմիր դրոշի շքանշանով՝ «Ուսուցչական կադրերի պատրաստման և մանկավարժական գիտության զարգացման գործում չեռք բերած մեծ հաջողությունների համար»:
1948 թվականին, Խաչատուր Աբովյանի անհայտացման կապակցությամբ, բուհն անվանակոչվել է Խաչատուր Աբովյանի անունով:

ԳԻՏԱԾՈՂՈՎ

«Արդի մանկավարժական գիտությունների հիմնախնդիրները»

Խաչատուր Աբովյանի անվան հայկական պետական մանկավարժական համալսարանում նոյեմբերի 10-11-ը անցկացվեց «Արդի մանկավարժական գիտությունների հիմնախնդիրները և զարգացման հեռանկարները» խորագրով միջազգային երկօրյա գիտաժողով: Այն կազմակերպվել էր Հայաստանի մանկավարժաժողովի և Հայաստանի գիտությունների ակադեմիայի, Խ. Աբովյանի անվան հայկական պետական մանկավարժական համալսարանի և Հայ-Ռուսական (Սլավոնական) համալսարանի համատեղ նախաձեռնությամբ և նվիրված էր Հայաստանի մանկավարժաժողովի և գիտությունների ակադեմիայի 1-ամյակին:

Գիտաժողովի զեկուցումները հիմնականում վերաբերում էին հանրակրթության և հիմնախնդիրներին և զարգացման միտումներին, բուհական մանկավարժության հիմնախնդիրներին և զարգացման միտումներին, մասնավոր մեթոդիկաների դասավանդման առանձնահատկություններին:

Գիտաժողովի մասնակիցներին ողջունեց և բացման խոսքով հանդես եկավ ՀՀԿՊՅ ղեկավար, հոգեբանական գիտությունների դոկտոր, պրոֆեսոր Սրբուհի Գևորգյանը:

«Խորագիրը բավականաչափ ընդգրկուն է և հստակ արտահայտում է բոլոր մտահոգությունները, մարտահրավերներն ու մտորումները, որոնք առկա են այսօր Հայաստանի Հանրապետությունում և համայն աշխարհում՝ կրթության ճգնաժամի հետևանքով առաջացած, դպրոցական, նախադպրոցական և առհասարակ կրթության ոլորտի սուբյեկտով պայմանավորված»:

Ռեկտորն իր գոհունակությունն արտահայտեց ԵՊՀ-ում վերջերս հոգեբանության հիմնախնդիրներին նվիրված գիտաժողովի կազմակերպման և մի շարք կարևոր հիմնախնդիրների անդրադարձնալու առիթով:

Ս. Գևորգյանն անդրադարձավ մանկավարժաժողովի անդամների մի շարք հիմնախնդիրների՝ ընդգծելով մանկավարժության ոլորտի մեթոդային հիմնախնդիրները, որոնք հանգեցրել են ճգնաժամի: Այդ համատեքստում նա նշեց՝ երկու հիմնական սուբյեկտի հետ գործ ունենք՝ մանկության և ուսուցչի, որոնք կրթության ճգնաժամի հետևանքով հայտնվել են միմյանցից հեռու տարածքներում: Բոլոր նորարարությունները՝ միտված ուսուցչական համակարգի կարիքների բարելավմանը և նրա գործունեության արդյունավետությանը, պարզ դարձրին, որ ուսուցչի ճանաչման և սոցիալական վախեր,



որոնք նրան հնարավորություն չեն տալիս ամբողջովին ներառվելու վերապատրաստման գործընթացի մեջ: Հետագուտություններից պարզ է դառնում, որ դա խնդիր է նաև ողջ աշխարհում:

Հոգեբանական նորագոյությունները պայմանավորված են հոգեֆիզիոլոգիական նոր օրինաչափությունների պարտադիր ինտեգրմամբ, որին մենք չենք տիրապետում:

Պետք է հասկանալ՝ որոնք են այն վախերը, որի արդյունքում մեծերը երեխաներին դուրս են թողել իրենց պատասխանատվության տիրույթից, վերջիններս էլ ինքնուրույն զարգանում են վիրտուալ տարածքում: Մանկավարժական համալսարանում կազմակերպված գիտաժողովում հայտնի ռուս հոգեբան Աննա Լուկինա ասաց, որ այսօր աշխարհում, ընդհանրապես բոլոր տիրույթներում, առկա է ընթացման, վստահության և իմաստի դիֆիցիտը: Եթե մենք չենք կարողանում լրացնել կրթության արդյունավետության ուղղված մեր ջանքերը՝ մենք փաստացի չենք ճանաչում այն փոփոխությունները, որ տեղի են ունեցել ֆիզիոլոգիական մակարդակում: Այսօր ուշադրության դիֆիցիտը բերել է օպերատիվ հիշողության մակարդակում մտապահելու խնդիր, որովհետև այդ ամբողջ ինֆորմացիան վիրտուալ աշխարհում է:

Ռեկտորն ընդգծեց՝ ժամանակն է ժամանակակից երեխային ճանաչել և դրա համար պետք է հատուկ մեթոդիկա մինչդեռ մենք շարունակում ենք սովորել և սովորեցնել այն տեսությունների և օրինաչափությունների հիման վրա, որը կիրառելի չեն ժամանակակից երեխայի նկատմամբ:

Դիմելով Ակադեմիայի իր գործընկերներին՝ Սրբուհի Գևորգյանը կրկին փաստեց, որ քանի դեռ կա ուսուցչի գործունեության ճգնաժամը, չենք կարող խոսել երեխայի սոցիալական զարգացման մասին:

Ինչպիսի արժեքաբանություն ենք մենք ձևավորում... Եվ քանի դեռ չունենք հասարակության արժեքաբանության հստակ գնահատում, չենք կարող շարունակել մեր գործունեությունը:

Ռեկտորը միաժամանակ հավելեց, որ վիրտուալ աշխարհի կազմակերպման թիվ մեկ երկիրը՝ Ամերիկայի Միացյալ Նահանգները, աշխարհին տալով տեխնոլոգիազգային զարգացման հնարավորությունները, այնուամենայնիվ, իր էլիտար դպրոցներում պահպանում է կավճի, գրչի, մանր մոտորիկայի զարգացման հստակ հնարավորությունները, միևնույն ժամանակ աշխարհին տալիս է այն օրինաչափ փոխներգործման հնարավորությունները, որոնք, օրինակ ԱՄՆ-ում ենթադրում է տեխնոլոգիազգային զարգացման որոշակի գործընթաց:

Սրբուհի Գևորգյանը թվերի վիճակագրությամբ ներկայացրեց՝ կրթության առանձնահատուկ պայմանների կարիք ունեցող երեխաների թվաքանակն անընդհատ աճում է, ինչը մտահոգող է և գործնական քայլեր է պահանջում:

Մենք պարբերաբար քննարկում ենք կազմակերպում, որովհետև դիսկուրսն է միայն, որ պայմանավորում է որոշակի գիտելիքի դուրսբերումը, ժամանակակից աշխարհում դա շատ հրատապ է և անհրաժեշտ:

Ելույթ ունեցավ Հայ-Ռուսական (Սլավոնական) համալսարանի ղեկավար, տնտեսական գիտությունների դոկտոր, պրոֆեսոր, Ակադեմիայի անդամ Եղվարդ Սանդոյանը: Նա խոսեց սերունդների երկխոսության բացակայության մասին, նաև ընդգծեց՝ կարողություններ ունենք, բայց նաև դրանք ուղղորդելու խնդիր:

Խոսելով ֆինանսավորմամբ պայմանավորված առաջնահերթությունների մասին՝ նա փաստեց՝ կրթության ոլորտն այդ առումով առաջնահերթություն չէ:

Ե. Սանդոյանը խոսեց նոր հասարակության հետ մասկին սերնդի դիսոնանսի, կրթության մակարդակի և կենսամակարդակի միջև անջրպետի մասին՝ ընդգծելով, որ ամենակարևորը թվային աշխարհը չէ: Այն երկրներում, որտեղ կրթական մակարդակը բարձր է, բարձր է նաև մարդկանց կենսամակարդակը: Պետք է նախապատվությունը տալ երկարաժամկետ ծրագրերին՝ արդյունքի հասնելու համար:

«Մեր հասարակության գերխնդիրը մանկավարժական հիմնախնդիրների մեջ է, մնացածը ածանցյալ են», - ամփոփեց ղեկավարը:

Մոսկվայի մանկավարժական պետական համալսարանի ղեկավար, Ռուսաստանի կրթության ակադեմիայի ակադեմիկոս, պատմական գիտությունների դոկտոր, պրոֆեսոր, Հայաստանի մանկավարժաժողովի անդամ Գիտությունների ակադեմիայի արտասահմանյան անդամ Ալեքսեյ Լուբկովի ուղերձն ընթերցեց ՀՀԿՊՅ ղեկավար Սրբուհի Գևորգյանը:

Ա. Լուբկովը կարևորեց Ակադեմիայի գործունեությունը և հույս հայտնեց, որ Ակադեմիան կստեղծի մշակութային երկխոսության ամրաժեշտ հարթակ, որը կարևոր դեր կխաղա կրթության և կրթական համապատասխան ծրագրերի զարգացման գործում՝ հանրության պահանջմունքները բավարարելու պատասխանատվությամբ:

Ներկաներն առցանց լսեցին Մոսկվայի պետական հոգեբանամանկավարժական համալսարանի նախագահ, հոգեբանական գիտությունների դոկտոր, պրոֆեսոր, Ռուսաստանի կրթության ակադեմիայի ակադեմիկոս, Հայաստանի

Ամենակարևոր երևույթը դպրոցում, ամենաուսուցողական առարկան, ամենակենդանի օրինակը աշակերտի համար հենց ինքը ուսուցիչն է:
Արդյ Գիտերովեզ

Հանրապետական գիտաժողով՝ նվիրված հայագիտության հարցերին և միջնաշակույթային հաղորդակցմանը

Մանկավարժական համալսարանում նոյեմբերի 15-ին անցկացվեց հերթական հանրապետական գիտաժողովը՝ նվիրված հայագիտության հարցերին և միջնաշակույթային հաղորդակցմանը: Օրակարգը հագեցած էր հետաքրքիր զեկուցումներով, որոնք ներկայացնում էին ոչ միայն Մանկավարժական համալսարանի, այլև հանրապետության տարբեր բուհերի մասնագետները:

Գիտաժողովի մասնակիցներին ողջունեց ՀՀ ԳԱ ՆԵԼՍՈՒՆ ՍՐԵՆԻԿԻ ԳԼՈՐԳՅԱՆԸ, ով ընդգծեց ՀՀ ԳԱ Լեզվաբանական հետազոտությունների լաբորատորիայի ակտիվ գործունեությունը և նրա ստեղծած հերթական հարթակը, որն իր շուրջն է միավորել ոչ միայն հայագիտության և միջնաշակույթային հաղորդակցման հարցերով զբաղվող հայագետներին, լեզվաբանության ոլորտի մասնագետներին, այլև պատմաբաններին:

Հղում անելով հայտնիներին՝ Սրբուհի Գլորգյանը փաստեց, որ «մեր ամենաշքեղ պահանջները մեկը հաղորդակցման պահանջներն են, որի բավարարումը գիտակցությունների փոխներգործությունն է», և ներկա հարթակն էլ այդ մակարդակում կբավարարի այս լաբորանի մասնախտակն սպասումները:

Ռեկտորը նկատեց՝ խոսելով առանձին լեզվի հարցերի մասին՝ բարձրացվում են լոկալ հարցեր, որոնք կարևոր են մեր հասարակության և արժեքների պահպանման համար, միաժամանակ անդրադարձ արեց գլոբալիզացիայի և լոկալիզացիայի խաչմերուկին՝ այդ համատեքստում ուրախալի փաստ համարելով այն, որ հայագիտությունից զատ, որպես առանձին ճյուղ, ներկայացված է միջնաշակույթային հաղորդակցումը:

Սրբուհի Գլորգյանը հույս հայտնեց. «Միգրացիոն այս նեղ երկխոսության հարթակում մենք ունենանք հետաքրքիր մոտեցումներ, որոնք պայմանավորում են միջնաշակույթային հաղորդակցման զարգացման՝ ժամանակակից աշխարհում շատ արդի որոշակի տեսությունները, որոնք էլ կազմում են սոցիալական հոգեբանության կարևորագույն հայեցակետերը ինչպես ամերիկյան, այնպես էլ եվրոպական և ռուսական պարադիգմներում»:



Նիստը վարող Լալիկ Խաչատրյանը նկատեց՝ ձեր բոլորի ներկայությունը հարգանք է գիտության նկատմամբ, հարգանք է միմյանց նկատմամբ, հարգանք է մտավորականի նկատմամբ, որովհետև բոլորս գիտենք՝ կա ներքին խանդ, մտավորականների երկփեղկում, ոչ միասնական դաշտում հանդես գալու ներքին կարողություն: Այսօր մենք միասնական ենք, միասնական ենք, որովհետև ուժեղ ենք:

Լիազումար միստոն ողջույնի խոսք ասաց Վ. Բրյուսովի անվան պետական համալսարանի ռեկտոր, դոցենտ Դավիթ Գյուրջինյանը, ով փաստեց՝ մեկ անգամ չէ, որ հավաքվում են այս հարթակում՝ լեզվաբանական հարցերի քննարկման շուրջ: Նա ուրախությամբ նշեց, որ Վ. Բրյուսովի անվան պետական համալսարանից կլինի 4 զեկուցում, և որ այդ համալսարանում միջնաշակույթային հաղորդակցումը առանձին մասնագիտություն է: Դ. Գյուրջինյանը նկատեց՝ երկու համալսարաններին նախ և առաջ միավորում են գիտությունն ու հայագիտությունը:

Լիազումար միստոն զեկուցումներով հանդես եկան «Ամանիա Շիրակացի» համալսարանի ռեկտոր, բ.գ.դ., պրոֆեսոր Վաղարշակ Մարտյանը և Վ. Բրյուսովի անվան պետական համալսարանի ռեկտոր, բ.գ.թ., դոցենտ Դավիթ Գյուրջինյանը:

Վաղարշակ Մարտյանը իր զեկուցման մեջ անդրադարձավ լեզուների համեմատական մի շարք առանձնահատկությունների: Ձեկուցողը համեմատությունների համատեքստում հիմնականում անդրա-

րոշ բառեր գործածել է հայոց տարածքները մատնանշելիս, օգտագործելով հարևան ժողովուրդների լեզվանուններ:

Առաջին մասնախմբում զեկուցումներ ներկայացրին Վ. Բրյուսովի անվան պետական համալսարանի պրոֆեսոր, բանասիրական գիտությունների դոկտոր Կարինե Աբրահամյանը, ՀՊՄՀ Հայոց պատմության ամբիոնի պրոֆեսոր, պատմական գիտությունների դոկտոր Աշոտ Փիլիպոսյանը, բ.գ.թ., դոցենտ Հովհաննես Ջաքարյանը («Տաթև» գիտակրթական համալիր), ՀՊՄՀ Հայոց պատմության ամբիոնի վարիչ, պ.գ. թ., դոցենտ Էդիկ Գևորգյանը, ՀՊՄՀ Մայրենիի և նրա



դարձավ բառերի իմաստային նշանակությանն ու փոփոխություններին:

Դոցենտ Դավիթ Գյուրջինյանը խոսեց Մովսես Խորենացու «Պատմութիւն Հայոց» երկում օգտագործած լեզվանունների մասին: Նախ ընդգծեց, ինչպես նշում են մասնագետները, գիրքը պատմագիտական, աղբյուրագիտական, զեղարվեստական արժեք է, որը գրավում է նաև լեզվաբաններին:

Ձեկուցողը հանգամանորեն խոսեց 5-րդ դարի պատմիչի «Պատմության» մեջ գործածված լեզվանունների մասին՝ մասնավորապես՝ Խորենացին երբ է դրանք գործածել, մինչև 5-րդ դարն արդյոք գործածվել են այդ լեզվանունները, հետագայում գործածության ինչ ընթացք է ունեցել՝ կանգ առնելով «Հայոց լեզու», «հայերեն», «հայ լեզու», «հայ բան», «հայկական լեզու» բառերի ու բառակապակցությունների գործածությունների վրա: Ընդգծեց նաև, որ պատմաբանը ո-

դասավանդման մեթոդիկայի ամբիոնի դոցենտ, մ.գ.թ. Մարգուշ Միրունյանը, նույն ամբիոնի դոցենտ Սիրարփի Խաչատրյանը, Մխ. Հերացու անվան ԵՊԲՀ դոցենտ Հենրիետա Սուքիասյանը:

Երկրորդ մասնախմբի զեկուցողներն էին պրոֆեսոր Լալիկ Խաչատրյանը, բ.գ.թ. Հռիփսիմե Թորոսյանը (Երևանի Կոմիտասի անվան պետական կոնսերվատորիա), բ.գ.թ. Մարիամ Աղամյանը (Վ. Բրյուսովի անվան պետական համալսարան), պ.գ.թ. Լիաննա Գևորգյանը (ՀՊՄՀ Թանգարանագիտության, գրադարանագիտության և մատենագիտության ամբիոն), բ.գ.թ. Շեռք Գրիշկյանը (ԵՊՀ), բ.գ.թ. Նարինե Մելքոնյանը (Վ. Բրյուսովի անվան պետական համալսարան):

Երկու մասնախմբերի նախագահներ Լալիկ Խաչատրյանը և Դավիթ Գյուրջինյանը օրվա վերջում ամփոփեցին գիտաժողովի արդյունքները:

Սիլվա ԱՄՐՅԱՆ

«Արդի մանկավարժական գիտությունների հիմնախնդիրները»

➤1 մանկավարժաժողովում ակադեմիայի արտասահմանյան անդամ Վիտալի Ռուբցովի խոսքը: Վերջինս խոսեց մանկավարժական կարգերի պատրաստման, նոր մեթոդների, կրթության անհատականացման, իրենց համալսարանի հետազոտական աշխատանքների մասին և վերոհիշյալ հարցերի շուրջ ՀՊՄՀ-ի հետ համատեղ քննարկումների մասին:

«Վստահ եմ՝ այսօրվա գիտաժողովի ընթացքում կքննարկվեն սուր հարցադրումներ, որոնք վերաբերում են այն մարդկանց, ովքեր ուսուցանում են, դաստիարակում, զարգացնում», - ամփոփեց Վիտալի Ռուբցովը:

Եղուարդ Ղազարյանը զեկուցման թեման ընտրել էր ըստ բազմապրոֆիլ լսարանի: Նրա «Ֆիզիկական և համաչափությունը» զեկուցումը մեծ ոգևորություն առաջացրեց դահլիճում:

Նա ներկայացրեց՝ համաչափությունը դրսևորվում է ամենուր, խոսեց այն մասին, թե ինչ դեր է խաղացել համաչափությունը ֆիզիկայի ոլորտում, այդ տեսանկյունից պատմական ակնարկ արեց՝ ինչպես էին անցյալում հասկանում այդ համաչա-



փությունը: Համաչափությունը գեղեցկությունն է, բնությունն արվեստի մի թանգարան է: Խոսեց համաչափական պատկերների մասին, համաչափության դրսևորումներին անդրադարձավ բնության մեջ, արվեստում, համաչափությունը ներկայացրեց որպես որոշ երկրաչափական ձևափոխությունների նկատմամբ պատ-

կերների ամփոփություն: «Ամբողջը կապվում է համաչափության հետ՝ վերականգնելով գեղեցկությունը», - նշեց զեկուցողը, միաժամանակ ներկայացնելով տարածական-ժամանակային համաչափության սկզբունքը և պահպանման օրենքները, նաև համաչափությունը ֆիզիկայի խնդիրներում:

Սիլվա ԱՄՐՅԱՆ



Պարտադիր վերապատրաստման դասընթացի մեկնարկը տրված է



կրավարարի այն շրջանակը, որի անհրաժեշտ գիտելիքի բաղադրիչը լրացնելու խնդրով պայմանավորված, դուք եկել եք Մանկավարժական համալսարան», - ասաց ռեկտորը: Ինքն էլ նախադպրոցական մանկավարժության և հոգեբանության ֆակուլտետի շրջանավարտ է, թեև ավելի ուշ հակվել է դեպի հոգեբանական գիտությունը, խոստովանում է՝ սա իր համար հոգեհարազատ մասնագիտություն է: Լինելով սոցիալական հոգեբան՝ շատ կարևորում է նախադպրոցական մանկավարժական գործունեության ընթացքում սոցիալական այն խնդիրների մեխանիզմների իմացությունը, որով հաճախ պայմանավորված է այդ աշխատանքի արդյունավետությունը:

Ռեկտորն իր առաջ դրած համար մեկ խնդիրը ներկայացրեց վերապատ-

ծանագրեց՝ կան որոշակի խնդիրներ, որոնց ներքո մենք պետք է կառուցենք կամ վերակառուցենք մեր այն մեթոդական իմացությունը, որի ներքո գործում է երեխան:

Սրբուհի Գևորգյանը մեջբերեց ամերիկյան հոգեբանների ասոցիացիայի զգուշացումը, որ մինչև 6 տարեկան երեխաներին արգելվում է օգտվել տեղեկատվական ցանկացած տեխնոլոգիաներից, իսկ 6-տարեկանից բարձր երեխաներին՝ 20 րոպե՝ զարգացման հմտություններով պայմանավորված: Ռեկտորը կարևորեց ծնողների և մանկավարժների կենդանի շփումները երեխաների հետ:

Նա խոսեց երեխայի կլիպային մտածողության, էկրանային կախվածության, հոգեմյարդային փոփոխությունների, ներառական խնդիրների ավելացման ու սոցիալական վարքագծի մասին՝ ընդգծելով, որ հիմնվելով պաշտոնական թվերի և փաստերի վրա՝ խնդիրները մեծացել են 54,6 % - ով:

Ամփոփելով՝ Սրբուհի Գևորգյանը ընդգծեց. «Մենք պիտի ամեն օր հասկանանք՝ ով է մեր ժամանակակից մանկության սուբյեկտը, զարգացման ինչպիսի ծրագրեր պիտի առաջարկենք և հետևենք ու դրա ներքո կարողանանք բավարարել մեծացող երեխայի սոցիալականացման այն գրագետ գործընթացը, որի արդյունքում մենք ունենալու ենք վաղվա մեր ապագայի լավագույն սերունդը»:

Գիտաուսումնական գծով պրոռեկտոր Մարիամ Իսպիրյանը վստահեցրեց, որ 2012 թվականից սկսված տարբեր ուղղություններով պարտադիր վերապատրաստումները կարևոր են բուհի համար, և որ գործընթացը հնարավորություն կտա լավարկելու վերապատրաստվողների մասնագիտական կարողություններն ու հմտությունները:

Ի դեպ, հավելենք՝ նախադպրոցական հաստատությունների մանկավարժների համար առաջին անգամ է թույլատրվել վերապատրաստումներ կազմակերպել:

Սիլվա ԱՄՅԱՆ

Նոյեմբերի 6-ից մինչև դեկտեմբերի 1-ը Մանկավարժական համալսարանում պարտադիր վերապատրաստման դասընթացներին կմասնակցի նախադպրոցական ուսումնական հաստատությունների (ՆՈՒԳ)-ի 70 մանկավարժ: 20-օրյա ժամկետում (ընդամենը 110 ժամ) դասընթացները նախադպրոցական հաստատությունների մանկավարժներին կտան անհրաժեշտ գիտելիքներ և կարողություններ:

Նոյեմբերի 6-ին Մանկավարժական համալսարանում մեկնարկեց վերապատրաստման դասընթացը: Վերապատրաստվողներին ողջունեցին ՀՀԿՄ ռեկտոր Սրբուհի Գևորգյանը, Ուսումնագիտական գծով պրոռեկտոր Մարիամ Իսպիրյանը, Նախադպրոցական մանկավարժության և մեթոդիկաների ամբիոնի վարիչի պաշտոնակատար Արմենուհի Մանուկյանը: Վերջինս ողջունեց ՆՈՒԳ-ի մանկավարժներին Մանկավարժականում՝ պարտադիր վերապատրաստման դասընթացի շրջանակներում, և հույս հայտնեց, որ նրանք բուհից կհեռանան նոր, լիարժեք գիտելիքներով և ձևավորված կարողություններով:

Համալսարանի ռեկտոր, հոգեբանական գիտությունների դոկտոր, պրոֆեսոր Սրբուհի Գևորգյանը համալսարանի անձնակազմի անունից շնոր-



հակալություն հայտնեց նախադպրոցական ոլորտի մանկավարժներին մեր բուհի վերապատրաստումներին նախապատվությունը տալու համար, ինչը շատ պարտավորեցնող է:

«Այն վերապատրաստման դասընթացները, որտեղ ձևավորվում են ժամանակակից պահանջները, մասնագիտական, մանկավարժական, դաստիարակչական, աշխարհայացքի ձևավորման, տեղեկատվական տեխնոլոգիաների իմացությունը, հնարավորինս

րաստվողներին. «Ինչքանով էլ մեծերը ճանաչում փոքրերի տիրույթը, որքանով էլ փոփոխված մանկության սուբյեկտի տիրույթը ճանաչելի մեծի համար, որը կարծես իր պատասխանատվությունը ինչ-որ առումով չի գիտակցում կամ թողել է ինքնաբավ վիճակում»: Նա վիճակագրական փաստեր բերեց՝ սրընթաց փոփոխությունների հոգեֆիզիոլոգիական, հոգեբանական, մանկավարժական ազդեցությունները երեխայի վրա, ապա ար-

Հանդիպում ուսանողների հետ

Մանկավարժական համալսարանում կազմակերպվել էր հանդիպում ուսանողների հետ: Ուսանողական խորհրդի նախաձեռնությամբ ներկա էին նաև Արցախի բռնի տեղահանված և արվյանականների շարքերը համալրած ուսանողները:

«Ես հաղթանակած սերնդի ներկայացուցիչ եմ, այնինչ վերջին դեպքերը ստիպեցին բոլորիս դժվար ճանապարհ անցնել: Նման իրողությունները ստիպում են ևս մեկ անգամ ուսումնասիրել պատմությունը, դասեր քաղել դրանից, չհուսահատվել և չտխրել: Վստահ եմ՝ միա-

սին այնքան ուժեղ կլինենք, որ կկարողանանք հաղթահարել դժվարությունները՝ կերտելով բոլորիս համար բաղձալի ապագա», - ողջունելով ուսանողներին՝ ասաց ՀՀԿՄ Աշխատակազմի և միջազգային համագործակցության գծով պրոռեկտոր Մարիամնա Հարությունյանը:

Նա ընդգծեց՝ ուսանողներն ընտրել են ամենակարևոր մասնագիտությունը և կստանան բավարար գիտելիքներ, ձեռք կբերեն կարողություններ ու հմտություններ, կդառնան որակյալ մասնագետներ՝ դաստիարակելով ապագայի և հայրենիքի համար արժանի սերունդ:

ՀՀԿՄ Ուսանողական խորհրդի նախագահ Պարույր Գալստյանը վստահեցրեց՝ ուսանողական կառույցն արդեն 30 տարի ուսանողի կողքին է. արտահայտում և պաշտպանում է ուսանողության շահերը, քննարկում ուսանողների խնդիրները, դիմումներն ու առաջարկները՝ ներկայացնելով ՀՀԿՄ ղեկավար կազմին:

Պարույր Գալստյանը նկատեց՝ մեկ հանդիպման ընթացքում դժվար է ծանոթացնել 100-ամյա բուհին, սակայն

պատրաստ են ներկայացնել մանկավարժական դարբնոցը, որի կենտրոնում եղել և մնում է ուսանողը:

Ուսանողները ծանոթացան բուհի կառուցվածքին, միջազգային կապերին, պաշտոնական լրատվամիջոցներին: Ուսանողական խորհրդի նախագահը ներկայացրեց նաև սոցիալական, ինտելեկտուալ և ուսանողական ծրագրերը: Վստահեցրեց՝ դրանք ստեղծման օրից լայն հնարավորություն են ընձեռում ուսանողին. կրթական բաղադրիչից զատ, նաև ժամանցային են:

«Լավագույն ուսանող», «Ամառային դպրոց», «Ձմեռային հանգիստ». Պարույր Գալստյանը թվարկեց այս և այլ ծրագրեր ու տեղեկացրեց, որ բուհերի շրջանում իրենց ձևաչափով տարբերվող ծրագրերին կարող են մասնակցել բարձր առաջադիմությամբ, ակտիվությամբ աչքի ընկնող բոլոր ուսանողները:

Նա հույս հայտնեց, որ հանդիպումը տեղեկատվական առումով արդյունավետ էր և հորդորեց ուսանողներին հնարավորինս ակտիվ լինել և ներգրավվել տարատեսակ ծրագրերում:

Մարին ԱՂԵԿՅԱՆ





Մանկավարժական և Մոսկվայի պետական հոգեբանամանկավարժական համալսարանի պարզիրակությունը



Մեկշաբաթյա այցով Մանկավարժական համալսարանում է Մոսկվայի պետական հոգեբանամանկավարժական համալսարանի 8 ուսանող: Կրթության հոգեբանության և սոցիոլոգիայի պրոֆեսորադասախոսական կազմի հետ կազմակերպված հանդիպմանը ղեկանի՝ գիտության և միջազգային համագործակցության հարցերով տեղակալ Սոնա Մակիչյանը ողջունեց ռուս գործընկերների այցը բուհ և ներկայացրեց ֆակուլտետի ամբիոնները և նրանց ղեկավարներին:

«Վերջապես հնարավորություն ստեղծվեց նախօրոք պայմանավորված ծրագրերը կյանքի կոչելու», -ասաց Սոնա Մակիչյանը:

Քննարկվեց առաջիկա հանդիպում-

Պատվիրակության կազմում են Լ. Ֆ. Օբուխովայի անվան զարգացման հոգեբանության ամբիոնի վարիչ Իրինա Շապովալենկոն, պրոֆեսոր Վ. Ա. Գուրուժապովայի անվան կրթության հոգեբանության ամբիոնի ավագ դասախոս Իրինա Եմելյանովան և Միջազգային կապերի բաժնի ղեկավար Շուշանիկ Ուսուբյանը: Իրինա Եմելյանովան նկատում է՝ համագործակցելու եզրերն արդեն նկատելի են, մնում է արդյունավետ աշխատել:

Առաջին օրը ռուս պատվիրակությունն այցելեց Մանկավարժական համալսարանի տարբեր ստորաբաժանումներ, այդ թվում՝ ՀՊՄՀ ավագ դպրոց-վարժարան, որտեղ ներկա գտնվեց «Զարգացնող խաղեր նախադպրոցական տարիքի երեխաների համար»



ների ծրագիրը: Սոնա Մակիչյանը փաստեց, որ երկու համալսարանների միջև վաղուց համագործակցային սերտ կապեր են ստեղծվել և իրականացվում է տարաբնույթ ձեռնարկներով:

ՀՊՄՀ միջազգային համագործակցության և ծրագրերի կառավարման կենտրոն ղեկավարի տեղակալ Աննա Հախումյանը և ներկայացրեց երկու համալսարանների միջև իրականացվող ծրագրերը՝ վստահեցնելով, որ այս հանդիպումը ևս հազեցած կլինի տարաբնույթ ձեռնարկներով:

Այս անգամ ռուս ուսանողները բակավորի և մագիստրոսական կրթական ծրագրերի տարբեր մասնագիտությունների և կուրսերի ուսանողներ են՝ դաստիարակության հոգեբանություն, զարգացման հոգեբանություն, սկզբնական կրթություն: Նրանց ուղեկցող ռուս գործընկերների հետ ակտիվ երկխոսություն է ծավալվում կրկնակի դիպլոմների հնարավորության շուրջ:

դարձրեցին՝ ծանոթանալով Հոգեբանության ՀՊՄՀ կրթության հոգեբանության և սոցիոլոգիայի ֆակուլտետի նախկին շրջանավարտ, իսկ այսօր արդեն ուսուցիչ Մանուշակ Մուրադյանի կիրառած մեթոդներին:

Առաջիկա օրերը ևս հազեցած կլինեն ուսանելի հանդիպումներով բուհի տարբեր ստորաբաժանումներում, այդ թվում՝ նաև «Շախմատ» գիտահետազոտական ինստիտուտի աշխատանքային կոլեկտիվի հետ, հանդիպում համալսարանի պատմության թանգարանում:

Տարբեր ամբիոններում ռուսական կողմի ներկայացուցիչները կքննարկեն «Զարգացման հոգեբանություն» համատեղ մագիստրոսական ծրագրի մշակման աշխատանքների մանրամասները, կրկնակի դիպլոմների հնարավորությունները, կլինեն նաև բաց դասախոսություններ, կամբողջացվի հետագա համագործակցության փաթեթը:

Բաց դասախոսություն

Նոյեմբերի 8-ին Մանկավարժական համալսարանի Կրթության հոգեբանության և սոցիոլոգիայի ֆակուլտետի դասախոսների և ուսանողների համար «Զարգացման հոգեբանության արդի հիմնախնդիրները» (Լ. Ֆ. Օբուխովայի անվան Զարգացման հոգեբանության ամբիոնում իրականացված հետազոտական աշխատանքների օրինակով) բաց դասախոսությամբ հանդես եկավ Մոսկվայի պետական հոգեբանամանկավարժական համալսարանի Կրթության հոգեբանության ֆակուլտետի Լ. Ն. Օբուխովայի անվան Զարգացման հոգեբանության ամբիոնի վարիչ, ի.գ.թ., դոցենտ Իրինա Վլադիմիրի Շապովալենկոն:

Մինչ դասախոսությանն անցնելը՝ Ի. Շապովալենկոն խոսեց երկու համալսարանների սերտ համագործակցության մասին և հույս հայտնեց, որ այդ համագործակցությունն առաջիկայում ևս կշարունակվի տարբեր ուղղություններով:



Հղում անելով նշանավոր հոգեբան Լ. Ն. Վիգոտսկու հոգեբանական հայեցակարգերին, նաև ներկայացնելով Մոսկվայի պետական հոգեբանամանկավարժական համալսարանի Կրթության հոգեբանության ֆակուլտետի Զարգացման հոգեբանության ամբիոնի հիմնադիր Լ. Օբուխովայի դասազրբերն ու ուսումնական ձեռնարկները՝ զեկուցողն անդրադարձավ զարգացմանը հոգեբանությանը որպես գիտություն, հանգամանորեն խոսեց զարգացման հոգեբանության ընթացքի մասին՝ պատմամշակութային, հասարակա-

կան զարգացումների ազդեցությամբ փոփոխությունների ենթարկվելու համատեքստում, փաստելով, որ այդ գործընթացը երբեք չի ընդհատվում:

Իրինա Շապովալենկոն ներկայացրեց մի շարք տեսական հարցեր ու հիմնախնդիրներ, որոնք ժամանակակից աշխարհում հրատապ լուծման կարիք ունեն: «Ժամանակակից աշխարհում անհրաժեշտ է դարձել զարգացման հոգեբանությունն ուսումնասիրել բոլոր տարիքների համար, մարդու զարգացման բոլոր փուլերում՝ նախադպրոցական տարիքի երեխայից մինչև մեծահասակ մարդը», -ասաց զեկուցողը: Իրինա Շապովալենկոն նաև ներկայացրեց իրենց ամբիոնի՝ տարբեր տարիների



կազմակերպած գիտապրակտիկ կոնֆերանսները՝ ընդգծելով հոգեբանական խնդիրների զարգացման շարժընթացը, նաև անդրադարձավ ամբիոնի դասավանդողների հրատարակած գրքերին, ուսումնամեթոդական ձեռնարկներին ու դասազրբերին, որոնք նաև կիրառական նշանակությամբ ու բովանդակությամբ երեխաների հոգեկան առողջությանը միտված խնդիրներ են շոշափում:

Միլվա ԱՄՐՅԱՆ





Պրոֆեսիոնալիզմ հայրենիքի սիրով շաղախված

Ռեկտորատի սրահում նոյեմբերի 3-ին բացվեց Կուլտուրայի ֆակուլտետի Օպերատորության և գեղարվեստական լուսանկարչության ամբիոնի պրոֆեսոր, ՀՀ արվեստի վաստակավոր գործիչ Սամվել Սևադյանի «Հայաստան՝ Ավետյաց երկիր» խորագրով ստեղծագործությունների ցուցահանդեսը: Դրանք գեղարվեստական լուսանկարչական գործեր էին, ուր լուսանկարչի տաղանդավոր աչքը որսացել



բոստ ցանկությունը. տղայի հավաքական կերպարում առկա ուժը բնորոշում է հայ ազգին և Հայաստան աշխարհը: Այդ ուժը պիտի պահպանի մեր ինքնությունը, պատմական արժանապատվությունը, այս աշխարհում տեղը ու դիրքը»:

«Սամվել Սևադյան՝ որպես հայ մշակույթի առաջ տանող անհատականություն, ոչ միայն հաստատել է իր ուրույն տեղը հայ գեղարվեստական լուսանկարչության ասպարեզում, այլև շարունակում է այն փառավոր ավանդույթը, որը ձևավորվել է Կուլտուրայի ֆակուլտետում, և որով մշտապես հպարտացել է մեր համալսարանը», -ասում է դեկան Գևորգ Թադևոսյանը:

Սամվել Սևադյան քաղաքացուն, բանաստեղծին, գեղանկարչին, լուսանկարչին և մտավորականին է ներկայացնում պրոֆեսոր Համլետ Միքայելյանը:

«Սևադյանի նկարները մեծ արժեք են, իսկ նրա հիմնական մտահոգությունը՝ հասարակության բարոյական հենքն է հասարակության մեջ»:

Ցուցադրության մեջ տեղ գտած միակ գեղանկարչական աշխատանքը պրոֆեսոր Համլետ Միքայելյանը համարեց բարոյական հասունության գագաթ: Սամվել Սևադյան սիրահարված է հայկական լեռնաշխարհին: Հայաստանի տարբեր վայրերում ներկայացնում է իր անհատական ցուցահանդեսները, և հոգ չէ՝ ինչպես կկազմակերպվի և քանի մարդ կմայր: Եթե անգամ 20-25 մարդու վրա տպավորություն թողնեն իր աշխատանքները, դա արդեն լավ է: Պատրաստվում է հունվարի վերջին իր և ուսանողների գործերից մի քանիսը տանել ԱՄՆ-ում կազմակերպվելիք ցուցահանդեսին:

Ներկաները դիտեցին Սամվել Սևադյանի ցուցահանդեսի նկարները, որ պրոֆեսիոնալիզմի ցայտուն արտահայտություններ էին՝ հայրենիքի սիրով շաղախված, գեղեցիկ ու տպավորիչ, պատկերների ընդգծված խորությամբ ու գույների՝ իրար չկրկնող նրբերանգներով:



եր ճիշտ պահերն ու անմահացել մեր հայրենիքի զարմանահարազ գեղեցկությունը: Լուսանկարներն աչքի էին ընկնում գույների ընտրությամբ ու ասելիքի խորությամբ: Ահա «Հաղպա», «Ապարանի լի», «Շուշվա ծորը», «Լույս Ղարաբ», «Հաց են բերում», «Ճամբարակ», «Արագածի լանջին», «Դաշտի արևային սերեճադը», Արարատ սարը կաթնագույն մշուշի մեջ...

Լուսանկարներն ավելի քան խոսում են... Ուզում ես անընդհատ մայել ու զմայլվել Սամվել Սևադյանի լուսանկարելու հմտությամբ ու ճաշակով, ինչպես նաև Հայաստան աշխարհի չքնադ տեսարանները մեծ վարպետությամբ «գաղտնագեղեցիկ» շնորհով:

Ելույթ են ունենում ՀՀ Ռեկտոր Սրբուհի Գևորգյանը, դեկան Գևորգ Թադևոսյանը, պրոֆեսոր Համլետ Միքայելյանը: Ռեկտորը նկատում է. «Դիմանիկ կյանքը ստատիկ իրավիճակներում պատկերելու, իրականության շունչն առանձին աշխատանքներում փոխանցելու հմտությունը մեծ շքեղություն են արվեստասերների, նաև ուսանողների համար, որոնք մասնագետի տեսակետից են դիտարկում կրթության շարժընթացը, կարողանում օբյեկտիվ գնահատական տալ իրականությանը, ունենում ապրումային և ապրումակցման դրսևորումներ»:

Սրբուհի Գևորգյանը տպավորված էր «Ես դեռ կվերադառնամ» գեղանկարչական աշխատանքով: Նրա կարծիքով «Նկարի ստեղծումը պայմանավորված է պատմական իրադարձության վերաբերյալ հեղինակի ստեղծագործական, քաղաքական, մասնագիտական մոտեցումը ցուցաբերելու ցանկությամբ: Նկարի մեջ ընդգծված է տղայի վիշտը, թախիծը, ներքին տագնապները և վերադառնալու ըմ-



Մասնակցեցին միջազգային «Աշնանային դպրոցին»

Մանկավարժական համալսարանի 5 ուսանող հոկտեմբերի 29-ից նոյեմբերի 5-ը Մոսկվայի պետական հոգեբանամանկավարժական համալսարանում մասնակցեց «Հոգեբանական գիտելիքի ճակատներ» միջազգային աշնանային դպրոցին:

Մոսկվայում անցկացրած մեկ շաբաթը գերազանցեց էր կրթամշակութային տարբեր բնագավառներում միջոցառումներով և այցելով:

«ՀՊՄՀ-ի և Մոսկվայի պետական հոգեբանամանկավարժական համալսարանի համատեղ նախաձեռնությամբ անցկացվող միջազգային գիտական դպրոցները խորհրդանշուն են երկու կառույցների համագործակցությունը և գործընկերության անբաժան մաս են կազմում: Նախորդ տարիների փորձը, Հայաստանի և Ռուսաստանի ուսանողների դրական արձագանքները ցույց են տալիս, որ նման դպրոցները մեծ արժեք ունեն մասնակիցների համար: Երկու բուհերի միջև ամենամյա ուսանողական ծրագրերը թույլ են տալիս փոխանակել կուտակած լավագույն փորձը», - արվայանականներին ողջունելով՝ մշեց Մոսկ-

ներ և պրակտիկա» խորագրով միջազգային գիտագործնական համաժողովի շրջանակում կազմակերպված «Մենթորի դերը երիտասարդ հետազոտողի մասնագիտական զարգացման գործում» կլոր սեղանին: Ի դեպ, համաժողովին առցանց մասնակցում էր նաև ՀՊՄՀ ռեկտոր Սրբուհի Գևորգյանը:

Կրթական հարուստ ծրագրից բացի, դպրոցի մասնակիցներն ունեցան նաև մշակութային այցել. վայելեցին զբոսանքը Մոսկվայի պատմական վայրերում, այցելեցին Մոսկվայի Չայկովսկու անվան պետական կոնսերվատորիա, Եղան մի շաբթ թատրոններում:

ՀՊՄՀ Կրթության հոգեբանության և սոցիոլոգիայի մագիստրոս Տաթևիկ Հարությունյանը տպավորված է վերադարձել միջազգային աշնանային դպրոցից: Այցը կարևորում է նաև գիտելիքներ ձեռքբերելու, մասնագիտական աճի տեսանկյունից. առանձնակի ուշադրություն է գրավել աուտիկ սպեկտրի երեխաների համար նախատեսված դպրոցը, որի հիմնական նպատակը երեխաների ադապտացումն է կյանքին, իսկ որոշ դեպ-



վայի պետական հոգեբանամանկավարժական համալսարանի Միջազգային կապերի բաժնի ղեկավար Շուշանիկ Ուսուբյանն ու հավելեց, որ ուրախ են չորս տարի անց կրկին հանդիպել ծրագրի շրջանակում, որը կասեցվել էր հայտնի պատճառներով:

Աշնանային դպրոցի շրջանակներում Մանկավարժական ուսանողները եղան Մոսկվայի պետական հոգեբանամանկավարժական համալսարանում, ծանոթացան բուհի կազմում գործող մի շարք կառույցների և բաժինների գործունեությանը:

Նրանք այցելեցին «Ռուբլևո» ուսանողական կենտրոն, եղան նյարդաճանաչողական հետազոտություններ գիտակրթական, ուսուցիչների աջակցող գիտամեթոդական, աուտիզմի սպեկտրի խանգարումներ ունեցող երեխաներին համապարփակ աջակցության կազմակերպման դաշնային ռեսուրս-կենտրոններում, փորձարարական հոգեբանության ինստիտուտում և այլն:

Ուսանողները մասնակցեցին նաև բուհի առաջատար դասախոսների դասախոսություններին՝ «Կամավորությունը որպես քաղաքացիական հասարակության զարգացման գործոն», «Սուիցիդալ վարքագծի հոգեբանություն» թեմաներով, ինչպես նաև՝ «Սոցիալ-մշակութային ուսուցման ներառություն» թեմայով դասընթացին և «Միջմշակութային հարողակցություն» թեմայով աշխատաժողովին:

Այցի շրջանակներում ՀՊՄՀ ուսանողները ներկա գտնվեցին «Մենթորությունը մանկավարժական և գիտական գործունեությունում. հետազոտություն-

ներում նաև սեփական կարիքները հոգալ սովորեցնելը:

Տաթևիկ Հարությունյանը մեզ հետ զրույցում մշեց, որ կուզեր Մանկավարժականում և ուսանողների համար լինել հանգստի և արտահամալսարանական աշխատանքների համար նախատեսված հատված, ինչպես նաև հոգեբանական աջակցություն ստանալու հնարավորություն՝ ինչպես Մոսկվայի պետական հոգեբանամանկավարժական համալսարանում:

Աշնանային դպրոցի պաշտոնական փակմանը Մոսկվայի պետական հոգեբանամանկավարժական համալսարանի Միջազգային կապերի բաժնի ղեկավար Շուշանիկ Ուսուբյանը շնորհավորեց Մանկավարժականի ուսանողներին ծրագրի մասնակցելու համար և նրանց հանձնեց վկայականներ:

«12 տարիների սերտ և բեղմնավոր համագործակցության ընթացքում իրականացված «Հոգեբանական գիտելիքի ճակատներ» աշնանային դպրոցը ՌԳ-ում ակադեմիական փոխանակման 7-րդ ծրագիրն է և իրականացվել է ՀՊՄՀ-ի դասախոսական կազմի և ուսանողների հետ համատեղ: Մենք բարձր ենք գնահատում հոգեբանության և մանկավարժության ոլորտներում գիտելիքների ընդլայնման հնարավորությունները և ուրախ ենք, որ հետագայում կկարողանանք դրանք կիրառել նաև պրակտիկայում», - մշեց Շուշանիկ Ուսուբյանն ու հույս հայտնեց, որ ավանդույթը կշարունակվի առաջիկա տարիներին և՛ նպաստելով երկու բուհերի միջև գիտելիքների և լավագույն փորձի փոխանակմանը:

Մարին ԱՂԵԿՅԱՆ



Նոյեմբերի 5-ին, 87 տարեկան հասակում, կյանքից հեռացավ Մանկավարժական համալսարանի նախկին ռեկտոր, ՀՀ ԳԱԱ ակադեմիկոս, Ֆիզիկամաթեմատիկական գիտությունների դոկտոր, պրոֆեսոր Գևորգ Բաղդասարյանը: Ստորև ներկայացնում ենք Մանկավարժական համալսարանի 90-ամյակի առթիվ «Մանկավարժական համալսարան» պաշտոնաթերթում տպագրված նրա հետ հարցազրույցը:

Գևորգ Երվանդի ԲԱՂԴԱՍԱՐՅԱՆ
Ֆիզիկամաթեմատիկական գիտությունների
դոկտոր, պրոֆեսոր
ՀՀ ԳԱԱ ակադեմիկոս
ՀՊՄՀ ռեկտոր 1994-1998 թթ.
ԵՊՀ Մաթեմատիկական մեթոդների և մոդելա-
վորման ամբիոնի պրոֆեսոր, ՀՊՄՀ դասախոս

«Մանկավարժականն այն համալսարանն է, որին պետք է նվիրվեն»

-Պարո՞ն Բաղդասարյան, Ձեր պաշտոնավարման տարիները համընկան հանրապետության համար դժվար ժամանակաշրջանի. ինչպիսի՞ գործունեություն ծավալեցիք դժվարությունների մեջ հայտնված բուհում...

-Ցավոք, իմ պաշտոնավարման տարիները համընկան այն տարիներին, երբ սարսափելի ֆինանսական-տնտեսական վիճակում էր հայտնվել մեր հանրապետությունը, և մեր համալսարանը բացարձակապես ոչինչ չուներ գոյատևելու համար, ֆինանսական ոչ մի աղբյուր չուներ, վճարովի ուսանողներ չուներին, պետության կողմից չէին գումարներ էինք ստանում, որով հնարավոր չէր հոգալ բուհի կարիքները: Սանիտարական վատ պայմաններ, գրեմական միջոցների բացակայություն, անգամ կավիճ չուներինք. մի սարսափելի վիճակ էր... Մենք փորձեցինք վճարովի ուսանողներ ընդունել. դա 1990-ականների սկիզբն էր... Մեծ ջանքերի շնորհիվ մենք կարողացանք վճարովի ուսանողների քանակ ապահովել և այդ վճարների հաշվին կարողացանք բուհի վիճակը մի քիչ բարելավել... Վճարովի ուսուցման գումարների հաշվին մենք կարողացանք նույնիսկ բարձրացնել դասախոսների աշխատավարձերը: Բուհի վիճակը մի փոքր կարգավորեցինք և ձեռնամուխ եղանք նոր ֆակուլտետների, բաժինների և ծրագրերի ստեղծմանը:

Առանձնացրինք Հոգեբանության ֆակուլտետը, որը շատ կարևոր քայլ էր: Իմ պաշտոնավարման տարիներին մեծ ուշադրություն էր դարձվում Գեֆեկտոլոգիայի ֆակուլտետին:

Այնպիսի ժամանակաշրջան էր, որ անհրաժեշտ էր օգնել Դարաբաղին, և մենք որոշակի միջոցներ հատկացրինք Դարաբաղի համալսարանին, նաև մեր ուսանողները մշակութային ծրագրերով պարբերաբար հանդես էին գալիս այնտեղ. աղբբեջանական բայաթիների փոխարեն այնտեղ հնչեցին Կոմիտասի ու Եկմալյանի ստեղծագործությունները:

-Նոր կադրերի, ուսումնական ծրագրերի ու պլանների ստեղծման կարիք կար...

-Այո, մեծ դժվարություններ հաղթահարելով, մենք աստիճանաբար ուսումնական պրոցեսը դրեցինք նորմալ հունի վրա: Առանձնապես մեծ դժվարություններ ունեինք պրակտիկայի կազմակերպման հարցում, «կործանված» վիճակում էր Աղավնաձորի ուսումնամարզական բազան, և մեր կարևոր գործերից մեկն այդ բազայի վերականգնումն էր, որտեղ կազմակերպվում էին ուսանողների պրակտիկան և դասախոսների հանգիստը:

-Բուհի 6 մասնաշենքերն էլ կայի՞ն այդ տարիներին:

-Բոլորն էլ կային, դեռ մի բան էլ ավելի: Բուհի գլխավոր շենքը, որտեղ ռեկտորատն էր, ուզում էին վերցնել մեզանից, ես պայքարեցի և թույլ չտվեցի, բայց, այնուամենայնիվ, հետագայում բուհը կորցրեց այդ մասնաշենքը, որը հասնչյան փողոցի վրա էր, Վերնիսաժի հարևանությամբ:

-Կարելի է ասել բուհը գրեթե թոթափեց ծանր վիճակը և անցավ ակտիվ գործունեության...

-Այո, ծանր ժամանակներ էին, մենք ոչ մի գումար չունեինք բանկերում, միայն պարտքեր ունեինք: Չունեինք էլեկտրական հոսանք, հատուկ ժամով էին մեզ լույս տալիս, այն էլ հարևանները գողանում էին, ևս դժվար էր նրանց դեմ առնել... Եվ կարծես թե թոթափեցինք այդ ամենը, ու եկավ գեղեցիկ գործերի ժամանակը:

-Դուք թվարկեցիք այն դժվարությունները, որոնք բաժին ընկան Ձեր ղեկավարման ընթացքում: Ձեր գործունեության մեջ ի՞նչը հատկապես կառանձնացնեք:

-Նոր մասնագիտությունները Կուլտուրայի, Գեղարվեստի, Դեֆեկտոլոգիայի ֆակուլտետներում... Հիմա դժվարանում են ամեն ինչ հիշել:

-Որպես գիտության, կրթության ոլորտի նվիրյալ մարդ՝ ըստ Ձեզ ինչպիսին պիտի լինեն այսօրվա ուսուցիչն ու դասախոսը:

-Այն, որ մարդիկ, ովքեր որոշել են դառնալ ուսուցիչ, պետք է անմնացորդ նվիրումով ամեն այդ գործը: Ուսուցանող ու դաստիարակող մարդիկ, ես մեղմ եմ ասում, եթե չունենան համապատասխան մակարդակ, ոչ մի գիտելիք ոչ նրանց և ոչ էլ հասարակությանը չի փրկի: Նրանք պետք է լինեն համակողմանի զարգացվածությամբ և էթիկայով օժտված մարդիկ: Այդ-

պես միշտ է եղել: Սակայն եկավ մի ժամանակ, երբ այդ գաղափարները ձևափոխվեցին, միակ խնդիրը գոյատևման պայքարը եղավ, և դա շարունակվեց մինչև այսօր: Ահա ինչու ունենք այն, ինչ ունենք:

-Ինչպիսի՞ն է այսօրվա ուսանողությունը:

-Պետք է ասեմ, որ այսօրվա ուսանողները չեն զիջում մախորդներին, ավելին, համընդհանուր զարգացման տեսանկյունից բավականին առաջ են անցել...

Աշակերտը, զնալով դպրոց, պետք է մտածի միայն սովորելու մասին... Գիտության և կրթության կառավարման միջազգային բոլոր փորձերի արդյունքը պետք է լինի՝ ինչ սովորեցնել երեխային... Հետագայում, երբ ձևավորված անհատ կդառնա, ինքը կորոշի, մինչդեռ բոլորն այսօր ծնողների օգնությամբ դեռևս ցածր դասարաններում որոշում են՝ սա պետք է, իսկ սա՝ ոչ, հաշվի առնելով հետագայում ակնկալվող օգուտը...

-Ներկայացրեք մարդու Ձեր տեսակը:

-Նորմալ հայ մարդը պետք է լինի ազնիվ, մաքուր, գործին անմնացորդ նվիրվի, և որպեսզի ամպագոռո բառեր չասեմ, իր հնարավորությունները ծառայեցնի իր ազգին ու ժողովրդին:

-Ձեր կյանքի ամենալավ պահը, հանուն որի արժեք արել...

-Երբ աղջիկս ու տղաս պաշտպանեցին դոկտորական ատենախոսություններ: Իսկ ամենաուրախալի պահը, երբ հինգ ամիս առաջ ծնվեց աղջիկ թռռուհիս: Ես շատ եմ սիրում աղջիկ, և գտնում եմ, որ ընտանիքի պահպանման հիմքը աղջիկն է:

-90-ամյակի առթիվ ի՞նչ բարեմաղաքներ կհղեիք Մանկավարժական համալսարանի դասախոսներին և ուսանողներին:

-Իմ ռեկտորության տարիներին բուհի մեկ հորելյան մշել ենք: Ուսանողներից սկսած մինչև դասախոսներ պիտի հպարտանան, որ սովորում ու աշխատում են այս բուհում, որովհետև այս բուհն ունի մի առաքելություն, որը բուհի ռազմավարության, մեր ժողովրդի պահպանման ու գոյատևման հիմքն է: Հետևաբար նրանց համար պարծանք պետք է լինի և հպարտություն: Մանկավարժական համալսարանն այն բուհն է, որին պետք է նվիրվեն, նրանով հպարտանան և աշխատեն, որ այստեղից դուրս եկողները նույն զգացողությունն ունենան:

Կամավորական օրերի տպավորություններով

Կամավորական գործունեության դերն ու իրական արժեքն սկսեցի կարևորել Մանկավարժական համալսարանում, իսկ խթան հանդիսացավ քառասունչորսօրյա պատերազմը, որի ընթացքում համատեղում էինք դասերն ու կամավորությունը և մեր փոքրիկ ներդրումով փորձում սատարել սահմանին կանգնած տղաներին:

Համալսարանում այս տարի ևս ձևավորվել էր կամավորական խումբ, որն օգնում էր Արցախից բռնի տեղահանված մեր հայրենակիցներին, սակայն ինձ վատ էր զգում, որ չէի կարողանում աշխատանքներ ծավալել հեռու մարզերում: Պատահաբար տեսա, որ Արարատի մարզում, որտեղ և ապրում եմ ես, բացվել է ժամանակավոր կացարան՝ նախատեսված Արցախից բռնի տեղահանված շուրջ 100 հոգու համար: Հենց այդ պահին որոշեցի դիմել և հաջորդ օրը գնացի կազմակերպիչների հետ ծանոթանալու: Ինձ դիմավորեցին մեծ ջերմությամբ, ու երբ առաջին անգամ մտա կացարան, չէի էլ մտածում, որ այդ իրար կողքի շարված մահճակալների արանքում այդքան դրական զգացողություններ են տարածվելու: Անցա աշխատանքի, սկսեցի նվազագույն քայլեր անել, և ամեն փոքրիկ քայլի համար մարդիկ շնորհակալություն էին հայտնում: Ծանոթացա կամավորների հետ, որոնցից գրեթե բոլորն, ի զարմանս ինձ, աշակերտներ էին: Լինելով համեմատաբար մեծ և ունենալով համապատասխան հմտություններ՝ ես դարձա կամավորական խմբի ավագ: Ամեն օր մեզ միանում էին նոր կամավորներ և, չնայած երբեմն առաջացող փոքրիկ խնդիրներին, այդ ընթացքում կարողացանք ձևավորել մի մեծ ընտանիք, որը կատարում էր այդ պահի ամենակարևոր աշխատանքներից մեկը: Այդ օրերին ամենաշատը հասկացա, որ տարաբաժաններն ամսահաման սխալ են. չէ՞ որ բոլորս հայ ենք, իսկ հայրենիքը՝ մեկը: Երբ դեռ նոր էի կացարանում, ինձ մոտեցավ Արաքսը՝ համար-



ծակ ու նպատակասլաց փոքրիկ աղջիկ, ով շատ էր սիրում մայրենի դասերը, նաև՝ լեզուների հանդեպ սեր ուներ: Եկավ, ծանոթացավ ու երբ իմացավ, որ ուսուցչուհի եմ՝ փայլուն աչքերով նայեց ինձ ու զարմացած հայացքով սասց, որ պուճուր դասատու կյանքում չի ունեցել և ուզում է, որ իր դասատուն լինեմ: Դրանից հետո ամեն ամավոր, երբ բացում էի կացարանի դուռը, վազելով գալիս գրկում էր, իսկ առաջին անգամ գրկելիս առաջ եկավ ու սասց, որ եկել է ինձ «խստի»... Դժվար չէր հասկանալ բառի իմաստը, երբ ամմիջապես հետո շատ ամուր գրկեց ինձ: Ու դրանից հետո կացարանում ունեցածս բոլոր օրերը սկսվում էին Արաքսին ու մնացած փոքրիկներին «խստելուց»:

Նույնքան պայծառ էր Արաքսի փոքրիկ եղբայրը՝ Արելը, ով լինելով կացարանի ամենաչարածի փոքրիկը, վայելում էր բոլորի սերը, իսկ սոցիալական ցանցերում տարածված հոլովակներից հետո ուներ նաև երկրպագուներ, ովքեր պարբերաբար այցելում էին իրեն: Մինչ օրս մի բանում հստակ համոզված է՝ անպայման ես է գնալու իր տուն:

Այդ մեկ ամիսն իմ կյանքում շատ բան փոխեց: Շուրջս մարդիկ էին, ովքեր կորցել էին ամեն ինչ, բայց պահպանվում էր հավատ, հավատ, որ ամեն բան լավ է լինելու:

Ամենատպավորիչ բնակիչներից էր երիկը, ով կորցրել էր իր ողջ ընտանիքը դեռևս քառասունչորսօրյա պատերազմի ընթացքում, Հաղորդից տեղափոխվել Ստեփանակերտ, իսկ այն-տեղից՝ Արտաշատ: Բայց միկոռֆոնն իր անբաժան ընկերն էր ու հաճախ սկսում էր երգել, փոքրիկները պարում էին, իսկ այ մեծերն ու մենք՝ կամավորներս, խորասուզվում մտքերի օվկիանոսում ու մի կերպ զսպում արցունքները:

Օրերը սկզբում դժվար էին անցնում, բայց արի ու տես, որ մի քանի օրվա ընթացքում բոլորս իրար հարազատ դարձանք: Կամավորներին օգնում էին նաև բնակիչները, երեխաներն իրենց ամենատարբերվող տաղանդներն օգտագործելով հաճախ նվերներ էին պատրաստում կամավորների համար ու այդ պահին փոքրիկ քարերով թևնոցներն ու թղթի վրա նկարված ամենատարբեր նկարներն ամենաջերմ էնդիմաներն էին պարգևում, որոնք կրկին առաջանալու են, երբ նույնիսկ տարիներ հետո բացեց դարակն ու դրա մի թաքնված անկյունում գտնեց մեր ամենաթանկ նվերները: Հիշողության մեջ միշտ ու հաճելիորեն կպահպանվեն մեկ ամսում ունեցած իմ բոլոր զգացողություններն ու այդ օրերի ապրումները, մարդիկ, պահերը: Ու արի ու տես, որ դժվար ժամանակներում ենք գիտակցում ամենակարևոր բաները: Այն, որ ամենաարժեքավորը երբեմն ամենահասարակի մեջ է, որ ամենաջերմ օգնությունը երբեմն կարող է համարվել կողքի շենքի տատիկի թխած թարմ խմորեղենը, որը մեծ սիրով ուղարկում է կացարան: Որ երբեմն ամենամեծ վիշտն ամփոփվում է այն կնոջ ներսում, ով լուռ մտածած բռնել է զուրկ ու խորասուզվել մտքերի մեջ, որ հաճախ փոքրիկների պարզ հարցերը կարող են մտածելու, իսկ երբեմն նույնիսկ թաքնում արտասովոր տեղիք տալ: Այդ հարյուրից ավելի մահճակալները, որոնք շարված էին իրար շատ մոտ, Արտաշատի մարզադպրոցի տարածքը վերածել էին ամենաջերմ ու իրական տան, որը թեկուզ և կարճ ժամանակով, բայց իր տանիքի տակ էր համախմբել մի խումբը լուսավոր մարդկանց:

Եվ քանի որ կացարանը չէր կարող երկար գործել, բոլոր բնակիչներին օգնեցինք տներ գտնել իրենց համար: Ու մինչ օրս էլ հաճախ այցելում ենք: Բայց բոլորիս սրտում էլ հավերժ դաջված կնճառ կացարանի ներսում ունեցած պահերը:

Մարիամ ՍԱՐԳՅԱՆ
Մագիստրոսական կրթական ծրագրի առաջին կուրս
Շրջակա միջավայրի գիտություններ



«Համագործակցային և նախագծային ուսուցման առանձնահատկությունները»

Մանկավարժական համալսարանում հանրակրթական դպրոցների ուսուցիչներ նոյեմբերի 11-12-ը մասնակցեցին «Համագործակցային և նախագծային ուսուցման առանձնահատկությունները» թեմայով վերապատրաստմանը: Այն անցկացվում էր Շվեյցարիայի Ցյուրիխի մանկավարժական համալսարանի հետ համագործակցությամբ՝ «Ավելի լավ դասավանդում, ավելի պայծառ ապագայի համար» (Better Teaching for Better Future) ծրագրի շրջանակներում:

ՀՊՄՀ-ն Շվեյցարիայի Ցյուրիխի մանկավարժական համալսարանի հետ համագործակցում է շուրջ երկու տարի: BTBF ծրագրի շրջանակներում մշակվել են դասագիրք-ուղեցույցներ՝ ուսուցիչների, դասախոսների և ուսանողների վերապատրաստման համար: Դրանք համահունչ են մեր երկրում տեղի ունեցող հանրակրթական ոլորտի բարեփոխումներին և նոր ներդրված չափորոշիչներին:

ՀՊՄՀ Աշխատակազմի և միջազգային հարցերով պրոռեկտոր Մարիաննա Հարությունյանը նկատում է՝ նախագծային ուսուցումը իբրև նոր երևույթ մի շարք հարցեր է առաջացնում ուսուցիչների շրջանում: Պրոռեկտորը հավելում է՝ վերապատրաստման թեմայի ընտրությունը

պայմանավորված է վերջին շրջանի կրթական բարեփոխումներով: Ըստ այդմ, նախագծային ուսուցումը սահմանվում է իբրև սովորողի ուսումնառության արդյունքների գնահատման սկզբունք: «Մանկավարժական համալսարանը, հավատարիմ ուսուցիչ կողքին լինելու իր առաքելությանը, նախաձեռնել էր վերապատրաստումը՝ հնարավորինս պարզաբանելու ուսուցիչներին հուզող հարցերը, ուղղորդելու թեմաների ընտրության և նախագծի իրականացման հարցում»:

Մարիաննա Հարությունյանը լիափութ է, որ երկօրյա հանդիպումներից հետո ուսուցիչները, զինված նոր գիտելիքներով և հմտություններով, դասապրոցեսում կկիրառեն ծրագրի շրջանակում նախատեսված նախագիծը:

Նշենք, որ «Ավելի լավ դասավանդում, ավելի պայծառ ապագայի համար» (Better Teaching for Better Future) ծրագիրը շարունակական է. հաջորդ վերապատրաստումը կլինի նոյեմբերի 25-26-ին: Ծրագրի արդյունքները կամփոփվեն դեկտեմբերին:

Ծրագրի շրջանակներում կմեկնարկեն նաև նոր վերապատրաստումներ՝ նախատեսված դպրոցի տնօրենների համար:

Մարին ԱՂԵԿՅԱՆ



Ցուցահանդես-մրցույթ՝ «Կենտրոն. Երևանը խոշորացույցի փակ»

Նոյեմբերի 1-ին Երևան քաղաքի Կենտրոն վարչական շրջանի թաղապետարանում տեղի ունեցավ «Կենտրոն. Երևանը խոշորացույցի փակ» խորագրով լուսանկարների ցուցահանդես-մրցույթ, որտեղ ներկայացված էին Երևանն ու Երևանցիները: Իրենց աշխատանքներով հանդես եկան նաև ՀՊՄՀ Կուլտուրայի ֆակուլտետի Օպերատորության, գեղարվեստական լուսանկարչության ամբիոնի ուսանողները և շրջանավարտները (ամբիոնի վարիչ՝ Ռուբեն Երզնկյան):

Ցուցահանդես-մրցույթը գնահատում էր պրոֆեսիոնալ ժյուրին: Ցուցահանդես-մրցույթում 2-րդ, 3-րդ տեղերը ստացան ՀՊՄՀ Կուլտուրայի ֆակուլտետի Օպերատորության, գեղարվեստական լուսանկարչության ամբիոնի գեղարվեստական լուսանկարչության բաժնի 2-րդ կուրսի ուսանողուհի Նանե Ալեքսանյանը (կուրսի ղեկավար՝ Արմեն Խաչատրյան) և նույն ամբիոնի գեղարվեստական լուսանկարչության բաժնի շրջանավարտ Արամ Խաչատրյանը:



Սեմինարների շարք Գեղարվեստական կրթության ֆակուլտետում

Գեղարվեստական կրթության ֆակուլտետում անց է կացվում սեմինարների շարք՝ արվեստի և արվեստագիտության թեմաների շրջանակում: Նոյեմբերի 10-ին կայացավ երկրորդ սեմինարը՝ «Դեկորատիվ կիրառական արվեստի (գեղարվեստական գործվածքների) դասավանդման մեթոդները» թեմայով: Այն նախատեսված էր բակավորիայի 3-4-րդ, մագիստրատուրայի 1-2-րդ կուրսերի ուսանողների և ֆակուլտետի դասախոսների համար՝ բաց լսարան համատեքստում:

Սեմինարը վարում էր Անուշ Եղիազարյանը, ով հետաքրքիր գեկուցումով հանդես եկավ դեկորատիվ-կիրառական արվեստի զարգացման պատմության, այդ համատեքստում Հայաստանում ներկա իրավիճակի և դասավանդման մեթոդների մասին:



Հավելենք, որ առաջին սեմինարը հոկտեմբեր ամսին վարել էր գեղանկարիչ Լենա Ներսիսյանը:

ՀՊՄՀ զարգացման ռազմավարական ծրագրով սահմանված թեմաներով սեմինարները ունենդիրների համար արվեստի ոլորտի գիտելիքների հարստացման նոր ձևաչափով հետաքրքիր էին և ուսանելի:

Ճանաչողական բաց դաս՝ նվիրված հայ մեծանուն կոմպոզիտորներին



ՌԴ-ում ՀՀ դեսպանությանը կից Մոսկվայի հայկական կիրակնօրյա «Վերածնունդ» դպրոցում ուսուցչական համակազմի նախաձեռնությամբ անցկացվեց ճանաչողական բաց դաս՝ նվիրված աշխարհահռչակ կոմպոզիտոր, դիրիժոր և մանկավարժ, երաժշտական-հասարակական գործիչ Արամ Խաչատրյանի 120-ամյակին և հայ կոմպոզիտոր, դաշնակահար, խորհրդային Միության և ՀԽՍՀ ժողովրդական արտիստ Առնո Բաբաջանյանի հիշատակի 40-ամյակին:

Հայկական երգի ուսուցչուհի Արփիմե Սամվելյանը ներկայացրեց նրանց կյանքն ու գործունեությունը: Հատկանշական է, որ Արամ Խաչատրյանի ստեղծագործություններն ընդգրկվել են 20-րդ դարի դասական երաժշտության մեջ: Այս ամենն ուղեկցվեց դպրոցի աշակերտուհի Ռոբերտա Մկրտչյանի հիմնալի կատարումով. հնչեց մեծն երգահանի դաշնամուրի համար գրված «Տոկատան» (1932 թ.), ինչպես նաև վավերագրական ֆիլմերի ցուցադրությամբ, խոսվեց երկու մեծ վարպետների ընկերության և համագործակցության մասին:

Խոսելով «Գայանե» (1942 թ.) և «Սպարտակ» (1954 թ.) բալետների մասին՝ հայկական պարի ուսուցչուհի Նանե Մարգարյանը ներկայացրեց ազգային հայկական տարազները, որոնք մեր նախնիները կրել են տարբեր ծեսերի ժամանակ, ինչպես նաև բեմական հագուստների առանձնահատկությունները:

Հայրենագիտության ուսուցչուհի Քնարիկ Վարդանյանը պատմեց Առնո Բաբաջանյանի «Առաջին սիրո երգը», «Հարսնացուն հյուսիսից» կինոնկարների մասին, ցուցադրվեցին դրվագներ, իսկ աշակերտները դպրոցի տնօրեն Շողիկ Փահլևանյանի «Հայկական երգերի ժողովածու» գրքից երգեցին այդ լեգենդար ֆիլմերի հայտնի երգերը:

Միջոցառումն ավարտվեց «Ազգ փառապանծ» երգի կատարումով, որը դպրոցի սաները երգեցին մեծ սիրով, ոգևորությամբ ու խանդավառությամբ:

ՌԴ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոց